



## দেশজুড়ে ভূকম্পে মৃতের সংখ্যা বেড়ে ৬, আহত শতাধিক



সংগৃহীত ছবি

সকালের শক্তিশালী ভূমিকম্পে দেশের বিভিন্ন জেলায় মৃত্যুর সংখ্যা বেড়ে দাঁড়িয়েছে ৬-এ। চিকিৎসা কেন্দ্রে ছুটে আসা আহতের সংখ্যা ইতোমধ্যে শতাধিক ছাড়িয়েছে। প্রাপ্ত তথ্য অনুযায়ী, ঢাকায় তিনজন, নরসিংদীতে দুইজন এবং নারায়ণগঞ্জে একজন প্রাণ হারিয়েছেন। নিহতদের মধ্যে রয়েছে দুই শিশু—নারায়ণগঞ্জে দেয়াল ধসে প্রাণ যায় এক নবজাতকের, আর নরসিংদীতে ওমর নামের এক শিশু মারা যায়। রাজধানীর কসাইতুলীতে পাঁচতলা ভবনের রেলিং ভেঙে পড়ে প্রাণ হারান তিন পথচারী: সবুজ (৩০), মেডিকেল শিক্ষার্থী রাফিউল (২০) এবং এক অজ্ঞাত ব্যক্তি।

স্বাস্থ্যসেবা বিভাগের প্রাথমিক হিসাবে জানা গেছে বিভিন্ন হাসপাতালে আহতদের ভিড় লক্ষণীয়—ঢাকা মেডিকেল কলেজে ১০ জন, তাজউদ্দীন মেডিকলে ৭২, শ্রীপুরে ৫৩, নরসিংদী জেলা হাসপাতালে ৪৫ এবং আরও কয়েকটি হাসপাতালে অন্তত ১০ জন চিকিৎসা নিয়েছেন। বেশিরভাগকে চিকিৎসা শেষে ছেড়ে দেওয়া হলেও গুরুতর কয়েকজনকে ভর্তি রাখা হয়েছে।

গুত্রবার সকাল ১০টা ৩৯ মিনিটে অনুভূত এই ভূমিকম্প কয়েক সেকেন্ড স্থায়ী ছিল। আবহাওয়া অধিদফতরের হিসাবে এর মাত্রা ছিল ৫.৭, উৎপত্তিস্থল নরসিংদী—গভীরতা ১০ কিলোমিটার। অপরদিকে ইউএসজিএস জানায়, তাদের পর্যবেক্ষণে মাত্রা ছিল ৫.৫।